

抱  
冲  
齋  
詩  
集

抱冲齋詩集卷十九

長白 斌良 笠耕

詩舫酬唱集一

道光己丑秋

聖駕恭謁 盛京

祖陵張詩舫農部

祥河

直樞垣適膺是役回都出詩草見示朱

茱堂府丞

爲弼

題詞先爲和之餘皆和其元韻共計

五十一首題爲詩舫酬唱集

題詞和朱茱堂府丞

爲弼

韻

瀋陽麗製多紀行模山範水賡郵程我直雲司未扈 蹕神游  
屬和徒濡筆雒誦幽岐瑞應詩撼搖海嶽爭瑰奇圖經日按詳  
邦閭畫省堪呼行祕書駐鞍訪古託雲樓松濤捲雪吹吳鉤文

綺名駒恩紀頌鴻施稠疊邱山重瞻禮陪都隨拜舞穀銓諫  
木儕雕俎樞密榮逾闥苑仙何須圓泐思牽船鈔詩買貴雁頭  
箋翺翔日向蓬萊嶺珠玉惠我五十篇振觸前程今廿年

通州城外

九月東巡狩風雷雨霽天雲藍過縹馬榆塞遠聞蟬銓石糧車  
輾團營毳帳間望塵驃騎發歸買閘河船

行帳

軍行標識相風竿方丈周廬小駐鞍頂銳幕裁金字削界分縣  
葦玉繩寬割鮮野竈圍邊徼促膝文茵話酒闌吉貝幄成叨廈  
庇石家錦障詎同看

短衣簪筆日勤勞箋染雲藍影四遭陸海籠燈珠斗燦遶關吹  
角碧天高丁年草檄情堪憶甲帳封侯夢亦豪何幸邪岐躬履

蹕泖湖遮莫戀魚舫

柳新莊

溜急掣沙平秋原策馬行貂裘上寒色畫角起邊聲松影圓撐蓋橋痕曲抱城甌廬山翠裏倚馬亦神清

灤州

茶馱蒙黃帕壺漿夾道迎民殷肥子國地入契丹城起草然官燭攀香趁驛晴霜澄灤水淨匱拓遠波平

灤河橋

灤河橋長二里鼉梁雁齒排空起闌干鐙颭水底紅崑崙渤海星羅空赤蚪雌霓影蟠互蜿蜒掉尾中流中涼秋萬頃韡紋戩灘露欣無駭浪急屬車東狩歷橋陰馬蹏亂踏霜華溼孤竹城高畫角沈一丸月到天中心天中心光上下蟾魄魚波兩相

射琉璃佛界訝常明  
螭螭邊陲疑不夜  
眼明銀海炫生花  
按轡垂鞭踏雁沙  
寄語輿臺韞韞整輪囷  
防陟壺蘭嶺

八月廿六日朝陽坡行帳置酒壽母

扈隨亭障號朝陽  
珥筆班聯日月光  
介壽遠紉萸佩紫  
延秋時趁桂枝香  
璇閨話錫鸞章重  
海屋籌添鶴算長  
鞅掌白華欣載詠  
忠規孝緒積餘慶

深河村

蒙茸敎秣駟霜月影彎環遶海沿邊壘  
長城界塞山旌旗臨大漠劍珮指雄關  
遙企松山麓英風想像間

澄海樓距文殊庵十五里是日以散直較晚未及登臨  
丹樓晴望待登攀制誥周廬午未還學步盪胸平子賦  
笑同裏足魯人山氣淩蛟蜃東懷海雪壓弓刀曉度關  
佚句紗籠邀

睿賞孫枝奕葉續宸班

張文敏公曾於乾隆間奉

詔用歐陽

之族曾孫又冠

躡

登臨誠盛事也

出關

午夜行營畫角催雄關扼要險天開長城襟帶梯雲上渤澥朝  
宗拱極來魚爛內憂嗟勝國龍興鴻業憶羣材貔貅片石流氛

掃一片石

國朝追敗  
流寇李自成於此

紫蓋黃旗出大臺

姜女廟

女郎祠闢積蒼苔灌木幽禽翳古臺身作望夫貞石化瓊瑰珠  
迸海潮來

關外早行

瘦策昏鷲踏杳冥雞陀虎石路頻經羽林萬騎車翹後款段清  
吟和馱鈴

沙河所偕傅秋坪小憩古刹

塞山如友人雲外展青矚榆關秋已深邊柳疎寒綠北藍建何  
年門對菊椒曲蒼髯叟玉立玲瓏透晴旭火熱逐奔輪清涼插  
塵足村衲供雨膳甌香充醕醑諸天盡歡喜云二子超俗紗籠  
碗筆還漫被齋鐘促

杏山

一著戎衣

帝業隆杏山鏖戰紀奇功洗兵雨驟沈荒磧應劫星芒隕半空  
潑水刀光環陣白飛天礮火射波紅草間遺鏃樵蘇拾想像橫  
摩壁壘雄

石門子

洞口延緣入盤螺磴道旋霜楓紅似繪寒浦凍無煙門敞牙旗

卓營團玉帳連掌平東望路無旛好原田

大凌河

水草濱河說易滋天閑騷處任驕嘶如茶夾岸烘雲錦藉息羣  
廢牧野詩

閭陽驛

柳煙沙雨夕陽開塵道塵清少磊嵬古驛黃茅初駐馬無閭天  
外送青來

北鎮廟望醫無閭山

祭秩升香古塞東封崇貞德鎮推雄氣蟠豐鎬雲霞外險扼關  
山指顧中碑紀樓欄元帳殿巖排松栝翠屏風曠觀亭畔曦光  
麗想見瑛盤出海紅

廣甯

天崇兵制信如何紹豎監軍債事多太息沙蟲埋雪害南人膽  
落巨流河

謝祁春浦許滇生餽鵝

客臺欽二妙旌帳晚籠鵝衝雪軍聲壯臨池書興何新知伴鵝  
鷺舊夢戀煙波譜出滕昌祐梅花逸趣多

宣和畫譜載滕昌祐梅花戲鵝圖

重九

行邊遶海剛重九簪盞穹廬快友俱戲馬高風攀或可持螯佳  
興笑偏無官廚帶雪烹榆耳鄉味新霜頌橘奴憶我前塵逢令  
節菊香酒醞說詩圖

嘉慶丁卯曾於瀋陽途次逢重九余有黃  
草霜螯紅滴酒者番率負菊花天之句重

爲麗笙先生詒晉主人  
贊賞已二十年矣

渡巨流河至老邊

迢遞沿邊路寒聲集夜條帳低沈遠磧槎斷疊危橋馴雉凌晨

雌蒼鷹趁雪飄金鼓雁子齊上白雲謠

大臺

鉤陳乍轉瑞霞開雲罕星旂駐大臺興嶺崢嶸淩漢起瀟流滑  
笏自天來龍堆馬邑清笳奏氍幄融光玉琯催飛騎黃封擎鹿  
尾名藩應是射牲回

葛布垓

得得裊絲鞭波明杏葉蘼翠屏環

御幄仙醴潯甘泉柳眼低窺鏡爪皮穩繫船蓐鄉經歲別夢繞  
白鷗天

蓮花背

絮帽冠欽岑入谷光乍晦橡栗墮天風馬蹏防踏碎屣屨到頂  
平豁目無纖礙公超霧忽收環翠濃潑黛芙蓉萬萼敷振衣良

其背

雨後度薩爾濟

龍興肇迹遼海東白旄黃鉞麾摩空豐功首紀薩爾濟明師就  
獲如飛蟲彼軍四出寇諸路杜李潘劉各分駐連營葉赫壯聲  
威近逼鴉關界藩渡深沈節制

睿慮堅中軍直搗突騎前貔貅五百勝卅萬健銳一卒堪當千  
宗藩宿衛親弧矢締造 皇圖戡定始鐵背山前殲杜松馬林  
排盾收殘壘蔽河波赤半橫尸屬國求降勢莫支萬夫概化爲  
獲鶴五日膚功振虎罷垂示英風猶奕赫勒勳遠邁燕然石據  
鞍神王景

前謨木廚峯帶渾河碧衝泥跋涉走深更倒捲銀河撒粟鳴劈  
空雷雨昆陽戰天半依稀甲馬聲蔥嶺西瞻峯聳萼月竊輸誠

綏部落擒渠鐵蓋

武烈揚新疆永奠邊氓樂

古魯村

邊遙行乍到村魯地非偏饒虎宵窺

立邊地往往虎向明駝遠  
立中攫食羊豕

識泉巢痕居幸穩海氣近仍連霜樹丹黃外青圓萬竈煙

夏原

天地亦蘧廬高原攬轡徐秋蕪斜照裏紅葉嫩霜初馬蠶祠官

祭奉

詔遣祀開國元勳楊古利各  
墓子祖信勇公亦邀恩賜祭

鱗雲太史書地蟠龍虎氣

知近

聖人居

興京

肇迹

興王始膺圖典策彰松雲昭儉德甲冑耀嚴裝山擁周原膺源  
流禹甸長神榆瞻翠蓋佳氣鬱相望

地藏寺在興京城外

紺宇遼東數應推不二門開堂經滿藏護國佛彌尊面嶺渾疑  
壁環城繚似樊不須聆粥鼓下馬滌塵根

上夾河

勝概欣皆歷郵籤默計程還轅欣路熟跋馬趁峯晴屋角成金  
字河心拓鏡明晚門初散直容易認旗旌

盛京

陪都臨瀋水闔闔啟當陽諫木開言路霞綳照夜光十亭盟  
礪帶九頌慶陵岡永奠金甌固垂裳統化疆

萬柳堂

苑裘舊築傍瑤京相國堂仍萬柳名  
屬築嚴霜吹絕塞蜻蜒黃  
日帶邊城低捎小隊青旗影靜掩譙門  
畫角聲想見春蒐初獵  
罷白花迅逐馬蹏輕

堪達漢

拇指握絃塵角裁一規墨暈沁濃苔  
翠翎早荷天家錫善射端  
須藉異材

九月二十五日蒙

賜文綺謹紀

束帛荷

恩榮天香傍體生寵加先近密數適協登瀛  
蒙機章京共十八人  
絲直裁紈潔花嫣濯錦明  
宮門高捧出豔啟百僚情

登醫無閭山

丁年識韓子締交金石堅無間曾覽勝聯轡揮吟鞭谿境彷彿  
記石罅學蟻旋巖巒慕情肱圭挺笏然磐石虬虎踞偃松凍  
蛟眠犖确絆雙足屐齒爲之偏凌兢肌粟生猶未躋層巔丁卯  
曾偕韓云舫先生同游醫無閭

松厂腹虛枵下凹如盎盆雲竇聖水濺點滴盛鬲尊釋迦靜低  
眉趺坐依雲根灑面珠琲迸灌耳琴筑繁勝概是耶非客試爲  
余言

幽州雄北鎮嶺脊盤蒼龍望秩配五嶽貞德膺崇封

元大德二年加封醫

無閭北鎮爲貞德廣寧王振衣象緯逼披襟海氣濃磨崖壁窠字染翰知何  
從雪晴縱遐睇萬朵排玉蓉仙源別有天高躡桃花峯

東方有美者厥名珣珎琪遼人惜珍貨沙際偕金披碎錦裂深  
澗異采輝隆曦虛亭枕松根煮茗拾墮枝洞天誇第一才子詎

忍離遼王舊書堂廢礎連根移槃阿儻招隱舍此將焉之

道隱谷

丹梯拾級登閣峭引初步頻迦集香林普門灑甘露浮嵐匝市  
環倘恍迷來路制草政雖殷欣尙攜茶具禪窟一聲鐘萬慮浮  
雲付

和詩動滿幅何異瞰大荒扶桑奔日馭未曉天海光松頂巢絮  
雲繞舄風露香遼關連北鎮襟帶鬱相望謝朓具遊癖剔抉胡  
聿皇恍聆猿鶴音山暝煙青蒼濟勝續前緣薜蘿先裁裳

調馬

鎔銀萬頃白沙寬霧鬣風髮牧馬盤額勒敏拏誇捷驕騎從  
不韉塵鞍

額勒敏華  
言生馬

籠鵝

無閭山畔數郵程落葉松寒  
輦路清視草玉堂人不寐換書

鵝慣餽深更

郵詩

駉馬傳箋日往還  
樞廷散直偶蕭閒  
丹黃霜樹鞭絲外  
秋屬興安古塞山

乞酒

鴟夷後載獠奴過  
或乞何如買醉多  
鮭菜佐來風味雋  
麴香吹上大凌河

松山早行寄雷竹泉比部

駝背兀殘夢凌兢  
向曉行霜澄綠路  
滑雲凍傍崖生塵  
漬緇衣黯書回碧  
樹晴西曹竿牘暇  
詩酒合兼并

澄海樓

天網浮涵青銅碧  
削削芙蓉削千尺  
長城一線走修蛇  
遠控榆

關臨碣石崇墉蕩颶滄溟流壓闔危構翔丹樓扶桑朝浴騰火  
齊金樞夕轡懸瓊鉤蠡勺亭高趁晴望波湧連山勢張王圓笠  
昭垂萬象涵方壺宛在三山向曲旃要紹青雲齊獰鱗詭甲嵌  
玻璃天吳瞋睨叩瑤闕馬銜跣踔窺璇題廣莫驚風鼓澎湃須  
彌芥粟藏干界舉手疑擎象緯低含形祇覺坤靈隘恍惚靈變  
賦木華海童鮫室相邀遮天輪膠戾莽激轉隱鱗似轉神女車  
麗藻冥搜心鏡朗豈有光芒騰萬丈前塵登頓記蓬瀛嘯擬蘇  
門鸞鳳響換骨欲覓青黏丸驚思揄袂凭雕闌神游屬和海天  
唱繁采揚華對炭漫雞舌香含日趨府張衡雅癖情酣古王勃  
瑰文崔灝吟鶴樓蝶閣庸難數乘興嘯喻珍珠雲濡染虎僕煙  
氤氲敢期買貴洛陽紙書就請質鯁海君

夜雪發新柳莊

侵曉拈吟髭如戟凍欲折興臺走相告新莊值初雪高下迷畦隴深淺昧車轍銀海炫光明錯疑醉紋纈按轡隨羽林寒照兜鍪鐵行防沙岸頽恐被河冰齧置身閭峯顛伊誰蒙不潔

布帳影皚皚虛掩明不晦遙峯積素凝笑腫駱駝背喜看三白飛漫效一舍退蘆鞭逐奔輪堅冰碾不碎辛苦除道人未晴忙耜耒

歸賞菊花天把酒當此時東皇忽翦水六出花無虧擊壤聽歡誦薜麥來歲宜豈徒充廩庾食足綏邊陲遺蝗應深潛蝻子冬豫治歸鞍藉吟賞浣粉山多姿

桃花寺

行殿山雲擁迎鑾拜紫墀帳維新賜馬篋富近遊詩創草歸仍早尋花約較遲洗塵供桂醕梅賞向南枝止

抱冲齋詩集卷二十

長白 斌良 笠耕

咳餘近游集一

立春日偕汪鏡人茂才夜話卽贈

瀟灑衣帽共樂羣論文心印每過君兒多翻覺齋鹽累才富何  
嫌應接紛紜淺梅延虛幌月窮濃香近小窗雲天街輾繡春如  
海好踏華鐙醉夜分

上元日接九弟燕山蜀中書薦曾明府

承顯

來謁用東

坡重游終南山子由以詩見寄韻

南榮梅綻暖初回牆角庭心蔓碧苔燕市雪晴雙展蠟

時欲偕汪鏡人

游峨嵋天半尺書來祝君官早飛鳧舄泥我情清款鶴杯曾是  
廬陵門下士敢言東閣足追陪

十六日出德勝門用東坡正月二十日出郊尋春韻

獻歲初經北郭門  
芹芽柳眼媚晴村  
湖波向暖新融碧  
山色方春笑露痕  
襍被慣來蕭寺宿  
餅茶還向早朝溫  
恰逢王道平如砥  
入直驅車穩夢魂

早朝歸家

鐙影早朝頻  
融銀碾畫輪  
鶯聲簧韻澀  
柳意麴塵新  
橋滑行防馬  
街喧曉趁人  
炙鴉風味美  
煮酒得茵陳

喜雪和張詩舫農部韻

灌耳聾飈喧竹勁節  
不折臘過三白稀  
迎春偏快雪厚積漫瓦  
溝輕篩凍車轍昨宵偶  
沾春面皺醉紋纈蒙頭  
學蠶眠潑水冷衾鐵爬  
沙聲殷窗疏鐙疑鼠鬻  
開簾滌塵襟層層嶮鎔  
銀潔

素采照綺寮虛明影不晦  
氣嚴壓雞聲光閃寒鴉背  
拉伴待吟

賞委蛇自公退奚童攔鶴過恐踏瓊瑤碎遺蝗種深潛農歌勤  
耜耒

祥雲迓青陽潤物未失時燕京兆豐登千箱定無虧沙靜塵影  
抑整轡西郊宜彤廷詔書稀燧靖綏邊陲鴈行共廣拜獻納  
少佐治鐙宴賜醕還草木涵春姿

贈李方赤比部

籍甚濟南李比部傲岸意氣頎而長憶昨南昌佩官印鉅簡紛  
逕同相羊雪堂高步理秋讞余亦綰鑰移晉陽簿書填委日鮮  
暇幾曾杯酒殷勤將側聞君子興不淺秋深審廠躋崇岡夜披  
鶴筆踏明月朗吟古調凌蘇黃雲樓外翰久寂寞多君繼響詩  
壇張清時都官振風雅舊數孫阮今錢汪乾隆嘉慶年間阮吾  
山孫淵如並擅文譽  
近錢古槎汪大况復君家處東海蓬萊傑閣遙相望眯眼青紅  
竹亦時時酬唱

雜蜃氣盪胸變滅浮波光詎止雲夢吞八九筆鋒排鼻蛟螭藏  
眷我秋懷索書贈如負逋券須酬償白頭郎署愧無補三年碌  
碌隨班行忝趨金闕厠鵷鷺何如鐵蓋擒豺狼無功歲糜太倉  
粟坐與胥吏同奔忙追隨僚友賴陶冶挾持律令參稽詳科條  
寬大追定國法網寢密噉張湯仁心煦育眾讐服五聽三宥祥  
刑祥名高遇蹇子復爾一官難進梯初枕平反京國笑開口長  
安珠米勞籌量幡然投効想歸去蓬茅戢影躬耕桑方今郵治  
邁前聖超資越序登才良李兄乘時須努力伫看風順鴻毛翔

偶檢丁卯年瀋陽紀行諸詩感賦

一卷遼東草關山記據鞍前塵今偶觸少作老羞看琢句堅蒼  
欠徵材典博難重膺五十首

今年和張農部祥河瀋陽相較汗紀行詩五十首另編一集

汎闌

晚出德勝門至西淀夜宿大樹庵題

驅車薄暮沿春浦高城未動統鼓冰融晴綠搖潏灩柳折新  
黃看媚嫵趨直曹司紛若鶩驂乘興臺力如虎修途掌拓碾猶  
平峭月眉灣魄初吐渴驥飛奔蕭寺門奚奴已候青鶯廡松巢  
煙暝仁鴉翻花市鐙紅聽人語賓僚過話蠟燭剪老衲禪棲嫩  
茶煮心懸封事夢難安夜如何其更漏數

自餘書屋雨夜偶題

衾裯惻惻襲寒輕攪夢廉纖乍有聲涼沁虛窗圍短燭響沈深  
巷間疏更紅蔦蓓蕾知花坼綠縹緲紋想漲平明發柴荆閒倚  
杖煙林布穀聽催耕

春日王子蘭郎中

瑞徵

金亞伯員外

應麟

李方赤主事

邀至城南小酌卽席

車韻轉麟石路循溼雲翻墨帶城闌朋儕情密如絲雨敢惜障泥蜀錦新

酒半頻聞二妙傳東陽矜石信翩翩故人好在還相憶自別金

閭已十年

朱綬沈傳桂曾在虞山幕中近聞程楞香云二人在吳頗擅文譽

康駢談藝聽津津竹裏行廚酒榼陳閒爲玉堂徵掌故鰲頭不

滿十三人

京都相傳狀元不足十三科

翩聯粉署早衙回不厭衝泥走曲隈坐有青徐東海客停杯相與話蓬萊

祠官端整好威儀奇肱越裳瞻視之政減尋芳有公暇儀曹畢

竟遜雲司

高翊岑由比部權祠部郎中故戲及之

雨暗芸窗訝日晡柅車幾度促輿夫嘉招每悵高城隔魚鑰鐙

初閉也無

晴

窗靜春寒峭樓高雨氣通老修燒藥竈閒益著書功獨樹寫殘  
照羣鴉盤晚風遙知何水部應遣遞詩筒

清明排悶用東坡游蔣山韻

小雨作寒食舉帷益悵然寂寥仍此日哀樂逼中年歲月奔輪  
坂功名上水船狂思山隱桂妄說炬移蓮榆火因時改桃枝泥  
露偏拂衣羞綠綬對鏡感華顛嗔怨憑猿鶴膏肓癖石泉樓遲  
原有地位置總由天簾靜垂疑水香溫溼沍煙繹駢詮旨悟謠  
詠妬嬋娟

余家藏書緣秋曹無暇披覽卷帙遂至散失三月九日  
稍爲整齊之燦然可觀援筆書意

鄴侯之書度在架孝先之書便在腹臧腹之言近誇大插架奇

編森可讀吾家書富散不儲蠹穿蟬食常有餘帙面塵積寸許  
厚欲尋條目庸能乎平生知過貴省改振作精神胡礪乃縹緗  
手疊頓整齊坐擁百城矜學海人生嗜好良不同萬物芻狗徒  
自雄君不見元載胡椒八百斛他物稱是徒紛若又不見石崇  
珊瑚七尺紅如意擊碎枝玲瓏銅山金穴詎足恃遇屯散佚隨  
飄蓬鄙人見拙流俗異我之所珍人所棄典墳邱索日相於開  
卷瞭然千古事黃金滿簾遜一經子孫世守勿替更但欲盈倉  
充棟簡冊三萬卷操丹握槩甲乙次第親詮評

南苑道中

泊沿飛放騎駸駸山杏餘寒峭不禁浩蕩郊原初試馬崢嶸文  
囿正從禽溼雲淡墨含疏雨官柳微黃襯薄陰白袷輕羅還自  
適路人錯認洽幽尋

南苑團河雨後入直歸自右安門作并柬詩舫

團河夾岸草痕萋，侍獵歸來嚮月題。  
楊柳板橋漁屋閉，杏花村店酒旗低。  
天寒裙屐嬉春少，雨足犁鋤播種齊。  
輸與淞南張仲蔚，朗吟句壓萬峯西。

三月廿七日鮑員外

嘉充

招集熊郎中

吳

汪員外

銘謙

李員外

寄彭

雷主事

鳴

王主事

之斌

胡京官

思賢

小

集陶然亭席間談及春仲偕仰山侍郎  
鍾昌月夜游  
焦山之勝因賦長歌邀同人和之

合江江亭雪浪驚燕都江亭以姓名 國朝先達數江叟菟裘

偶向城南營崇臺陡絕面鐵壁疏櫺盡敞延山英百年林榭緬  
高躅芳時選勝盍簪纓塘坳渟碧浸臺址潦積深潭亭映水蘆  
碕迤邐遠車麟拍拍蒲根鳬雁起女牆帶繚濠梁循濃嵐潑黛

青窺人新安鮑子發興新都監共踏郊原春裙展颯沓載歌讌  
就中倜儻推汪倫汪也翱翔儼雲鶴溟滓閩南襟抱拓風鐙水  
驛丹徒郭風利瓜州不得泊揚舲擊汰翦江行指點焦山古巖  
壑鏐銀萬頃揩鏡平冰壺濯魄騎長鯨海門東睇浩無涖翠螺  
丸向銀盤盛魚龍灑瀉鼉報更犖确撞擊鏗有聲香林鶻起瘦  
權訝恍疑仙客來瑤京萬株香雪團僧廬花光海氣交模糊螭  
鼎眼迷翠雲黝鶴銘手模苔花腴屐齒刁子磴級拾廊腰曲折  
松杉扶足健早躡須彌頂心印况有虬龍珠迭聽狂呼因色喜  
牛渚乘舫詎堪擬身經雖未陟蓬瀛耳食權當陪杖履酒半爲  
君參轉語蘭亭梓澤今餘幾從來天地亦蘧廬高會南皮聊復  
爾一樽雀踊石欄邊萬瓦鱗排春樹裏天開北闕擁雲紅屏繪  
西山罩霞紫韋曲煙景清難摹環亭山色滌陽如我今不醉胡

爲乎吁嗟我今不醉胡爲乎

春日偕友人游崇效寺看牡丹春寒花猶未開因訂看  
花之約並贈寺僧實修

細桃飄英戀餘春鼠姑未坼含苞新辛夷靨散卓肖丁香穗  
結珍珠勻海棠初烘絳霞帔石榴未破燕支脣鸞枝鳳尾互交  
錯青紅紫碧相依因偉哉造物弄狡獪桐生茂豫榮佳晨北藍  
共說勝花事南陌早碾游車輪老子今年興不淺拉伴遠踏宣  
南塵入門長揖實上人清修圓相道固純自言三載別居士宦  
迹每向游人詢詎知秋曹政紛還簿書那許抽閒身利那俄頃  
益俯仰蒼狗變幻雲衣屯季仲武功邁等倫豆腐時過談津津  
出守牂牁綰桃綬入知制誥趨楓宸吳蘭雪姚伯昂於癸未年  
授黔西牧伯昂亦升學  
士近年不復同游矣酒人幾輩倏星散天香依舊含輕鬢聞

西王朱贍嘉植瓊花幹走枝輪囷蓮花博士太好事補棠刷破

莓苔茵

寺西丁香相傳王漁洋朱竹垞二先生手植宛平翁覃溪作記吳蘭雪於甲申歲補種海棠并題句記事同勒

諸石光陰抹電駐坡馬居諸虛擲徒因循撫今追昔益慨慷放懷

亟買村醪醕一笑特爲阿師謝鴟夷重載酬花神

曉出北門

輓紅塵十丈出郭卽心清野氣平吞岸河流曲抱城馮唐頭已白許靖宦難成雅有滄浪意臨波想濯纓

余昔宦江南秦豫鞅掌風塵於國書清語未能究心

講求今年四月五姪尙之學習清文余亦稍稍溫習

之書此示兒輩

南橋北轍感萍蹤國語頻年習未工老馬駸駸隨步驟夜窗

來就竹燈紅

瀾翻舌本書春蚓字母凡將辨異同白髮盈顛多健忘只嫌腹

笥太空空

清文學貴強記齒長者健忘學不能精矣

我老猶思勤力學汝曹何可慣荒嬉鄉音蠻語知珍重况迺遼

東肇吉辭

妃紅媿白費精神漢俗沾濡洗滌新誰把狂瀾能力挽共期敦

本語還瀉

近日滿洲專心詞章之學於清文多不講求屢奉聖諭訓飭願同旗諸公共習焉

清和獨游崇效寺看牡丹

風定天青趁曉晴綠楊蕭寺訪曉鶯春還夏淺餘寒滯竹淨苔  
芬夙契盟樓閣莊嚴眞富貴花枝姹姪藉輕盈薔騰燒箭光陰  
到莫負當筵鸚鵡鎗

和張詩舲農部東花寺訪王漁洋朱竹垞兩先生手植

丁香原韻

二老風流倚佛龕瓊葩手植重燕南曼陀華淨毫光見薝蔔香

微鼻觀參碣尾題名鐫翠墨檐牙泛彩鬪紅酣

王朱二老手植丁香翁覃溪先

生作記吳蘭雪補種海棠題詩碣尾前塵新詠相輝映洛下伽藍記續堪

祁春圃學士寓藻齋前海棠盛開和張詩舲農部韻

葳蕤丹的煥晴霞香霧籠梢勝薄紗紫府僊姝畱寶佩玉堂內  
翰賦名花影搖宮燭銅壺靜春盎湘簾錦段遮竿牘縈心遲讌  
賞廊腰惆悵綠雲斜

苑丞嵩

阿禮

借看余詩藁屢索未還戲贈代簡

居然敝帚享千金堪笑詞人結習深未必他年遮醬瓿可知若  
箇度金鍼但期和璧常懷寶肯使隋珠竟陸沈僭擬東坡符調  
水仁還詩草慰癡心

大風出北城效李長吉體

大力毘藍猱颯吼橫吹碧浪韓紋綳蒲劍鋒銛荷帶柔雪鳬騰  
躍鮪繇愁花鴨喙短啄魚子銀鸞半臂藏花裏都護習彈金作  
丸東郭老圃鶉衣寒

早起大樹庵西禪堂題壁

豆房闌寂簾垂水白曉光熹雲母紙鳥歌啾唧曙色開蝶夢低  
徊香氣來趨朝車闌屯雲樣雷動輪翻聞隔巷必芻糲戶百不  
管花露手彈攬茗枕寂喧真境兩相拈阿誰食蜜中邊甜

二十二日大風過庵中牡丹惟餘一萼

松梢吹墮午鐘圓颯疾毘藍坐四禪一捻嫣紅增觸撥尋芳幸  
在雨風前

僧廬夜坐

隔簾燈照牡丹開

唐司空表聖句

不是妝臺是講臺趺坐團蒲空色相

松濤迸作夜潮來

晚過藤花院

窗前已發新藤萼壁上猶黏舊雪詩  
一種情懷殊脈脈晚鐘初動月來時

題黃葵雁來紅玉簪三秋小幀

雁來飛報漢宮秋故著黃纒學道流  
十二闌干心字曲晚涼敲徧玉搔頭

偕同人小集澹園和熊郎中

義韻

妙悟莊周道集虛宣南人海卜幽居  
蘋香淥漲過橋遠竹淨清風入座徐  
瀟灑宦情閒共鶴園洋樂趣子非魚  
幸稀竿牘多公暇振袂相羊感惠余

爽花香細透疏簾  
窗窸幽軒卻暑炎  
隨意苔茵攜茗具  
可人林

樾冒書籤曹司心印壺冰潔泰岱圖宜密雪添

王叔明作岱宗密雪圖昨熊壁

臣贈雪景一幀

好雨催詩遲命駕仁看懸雷挂茆檐

四月二十八日偕五姪尚之游大覺寺度安和橋經望

兒山麓沿途菱塘柳陌環繞茆茨人家終日住嵐翠  
中風景蔥蒨可喜馬上賦此并感舊游

今年游興劇直過寶育勇阿咸竹林來探奇實慙憑脂車秣旣

駟聯翩行接踵于橐裏餽糧攜錢市茶籠行行度安和

橋名

麥浪

碧丰茸麴塵吹綠縐鳧戲落毛毵茆檐枕翠微戴癭樹擁腫言

尋北旺寺門鐫天棘擁嵯峨望兒峯銳削穿雲聳應接實不暇

摹詠太繁冗前塵憶初游積潦雙轂壅半途羈迴車幾曾釋迦

奉獻歲揮吟鞭一宿太矜寵煙雲未遑探竿牘淹滯恐厯覽惜

不周古蹟徒神竦斯游實歡暢鬱極潮盆涌低回生慨慷因緣

別多種欲游翻未果邂逅喜怵踊蜩蟬變無方望蜀偏得隴浮  
生等是觀嘉招金玉重

黑龍潭小憩經蜘蛛山望竹泉侍郎英瑞水沫竹泉別

墅

甫過黑龍潭篆徑走一線雙峽榛枳叢沿路香風扇部裏號蜘蛛  
蛛虬松撐古幹隱約卓殘碣半圯古臺殿山環畫屏塘芙蓉開  
四面亭午正調飢蛾綠秀堪嚙遠睇城子麓桃李圍庭院侍郎  
正英年曾不簪組戀守中數不窮知幾身乃晏觸我招隱心買  
山夙有願竹泉侍郎前歲引疾家居住城子山麓水沫

晚至大覺寺

嵐氣蒸如雨煙光向夕昏未尋水塔寺已歷石窩村礪礪鏗輪  
鐵來牟捲浪痕莫愁香界遠鞭馬到松門

游大覺寺五十韻

淨域旃檀國靈巖震旦天清涼開法界名勝鎮幽燕夙豔陽臺

號今仍清水濺

寺在陽臺山麓舊名清水院

蒼髯環聳列螺髻翠盤旋節屆

梅初熟時逢月下弦竹林偕阿阮蓮社訪高權駐轡分晴霧披

榛拂寶轡緇塵看抖擻白袷恣流連周覽探新術徐行愛靜便

金鐙千劫歷銀杏四朝傳

殿北銀杏一株大可十圍歷遼金元明四朝蒼古無匹信神樹也

粵

自開山祖空王卓錫先智光昭大覺板的妙宏宣

遼碑載開山祖師圓明靜

妙禪師大通法王名智光字無隱初禮西竺板的

不振宗風示

澄修性海圓衣珠垂密印喝棒示真詮

法王傳徒甚眾榮涅時會戒其徒示偈云空空

大覺中承斷去來蹤寶體全無相舍賜紫憑鄒幹書丹命李賢

虛寂照同遂儼然而化年八十有八遼天順中遣禮部侍郎鄒幹追封智光爲大通法王

復命吏部尙書翰林知制誥南陽李賢撰碑文傳後

省捨鈔半中涓宣廟延釐祝和熹薦福虔看碑誦本末食蜜透

中邊

宣德年間爲國祝釐遣大學士楊榮撰碑太

往事泡漚幻

來游歲月遷精藍雖

帝里辭碣尙遼年紺宇開基廣青鸞拓

地偏抗崖雲構敞繞樹畫屏延疊巘晶簾揭虛檐瀑布懸珠璣

噴瑣碎琴筑聽潺湲捫葛升崇嶺扶藤度灌淵笠亭標領要瓊

閣儼畱仙番塔颯輪煥龍池雪乳浹含桃駢火齊澀磴繡苔錢

蘿蔓穿空翠松根泛細泉憩雲瞻

御翰秋雨記楹聯

雨憩雲軒扁額乾隆

御筆相傳舊有泉聲秋

慶年間收

不有親延矚那知事革沿詎惟神理洽頓使俗氛蠲

蒲膳移香積經幡動講筵貓頭新筍劇解眼嫩湯煎客展攜偏

暇朋簪盍少緣共誰參玉版塊獨染華戔選勝懷張緒

謂張詩餘農部

探奇慕倥傯擔簦攀日觀曳履傍星躔聞陟須彌頂高歌物外

篇辦裝三宿戀球句萬家絃早入陰何室休牽李郭船逸情渺

霄漢如意繪雲煙

近聞詩船游西山詩甚佳并自畫煙雲如意圖小像

自笑孤吟癖何曾

百鍊堅邯鄲纔學步元白漫齊眉旬線畱眞賞翺翔信灑然相

思猶木末獨酌且花前

軒前牡丹高可八九尺乃百年舊種

馬齒吾衰矣蟲聲孰

和焉錦囊徒鄭重綺語笑唐捐徙倚雙詞樹皈依九品蓮何時

脫朝簿共話鶴林禪

### 憩雲軒看瀑

人海輾紅空緇衣笑塵容詰晨脫朝簿稅駕陽臺峯虛軒枕雲  
椒翠蒨松竹濃暗泉穿石罅竹簍香積通疏寮面層巘飛瀑懸  
流淙灑面珠琲迸灌耳琴筑眷匡廬渺難卽到此偕歡悵延緣  
拖柳栗吟賞披蒙茸拂檐蔭翳蒼俯仰盤雙松幹直矗霄漢蓋  
偃低垣墉天人玉立樣髻叟僂僂從韋畢寤摹繪造化縣春冬  
盤桓撫龍鱗涼襲衣袂重會當山雨來洗出青芙蓉

領要亭散步登龍王閣叢莽中尋大遼殘碑

傑閣抗中峯松陰湧番塔青莎覆暗泉龍吻恣吐欲瑩鑒毛髮  
微方塘四周匝締建記遼年知逾幾僧臘殘碑翳叢薄曼漈字  
難塌依稀盛雍號釐祝緣禁閤鄧公數從貴檀越廣施納事去  
五百秋瞥眼閃風蠟琳宮自低徊俯仰感禪衲余意是耶非金  
輪鈴語答

曉出寺游循果園至秀峯寺

風泉警清夢曙色明僧窗松頂雲正濃隔陽疏鐘撞蒙茸偕阿  
咸傭舁筍輿雙倚背環杞柳擔肩分竹扛果園撥蒙密篆路穿  
崆峒山田信磽瘠農戶猶耕耰漸歷陟蘭若槐古燒空腔青鞋  
幸早辦攀葛躋雲杠憩參趙州茗行悟都盧幢小棧緬岌業陟  
彼心偏慢

西竺廢寺

廢寺指西竺，猋鼓擁荒砦。國師緬智光，卓錫開金界。天順肇紀元，臨濟衍宗派。牛礪碑，蘚殘雀。卓山果敗，陡壁削。犀顏獅象，驚醜怪。谿窳絕樵蘇，寺圯失清唄。白袷歷幽遐，恰值清和屆。塞香掇澗蒲，疏泉灌畦菜。罷尋普覺勝，日夕匪力憊。煙樊慰山心，涼吹披襟快。

小棧玉皇閣

紫閣小於拳，帛脰玉皇頂。洪荒翠峽闢，百折坂荒迴。磴仄半踵納，峯危千笏挺。幽見鼯鼯竄，險絕麋鹿騁。極睇繡甸開，當胸紅日炯。道人餐沆瀣，松下守丹鼎。山精曰：日出鎮定心，光訶狂喜生。客來松釵燒，苦茗自言靜。棲神何曾百靈拯，噓吸帝座通珠玉生欬聲。

秀峯寺登鐘樓小憩冒雨還大覺寺作

上方禮眞罷肩輿憩中巖花宮闢阿窻窗戶多空嵌止足老禪  
榻嵐滴沾輕衫入門聞鐘魚繞屋鳴松杉導我坐齋閣茗火紅  
一椀佛古堂更靜僧樸言多僂惟惜山杏子半被飛鳥鵲須臾  
山雨至潑墨峯巒攙平楚碧無次湏洞風煙街回驂催僊從蘿  
磴雲封緘

雨中游聖果寺未果

歸策歷雲椒側笠鞭絲鞞撐空兜率宮懸崖架硤礧梯級杳難  
尋半被松雲裏聞住老園官邏守青銅鎖年來事參商所計每  
相左涼雨阻登頓滑澁陟未可青泥馬腹沾白繖童肩荷人行  
縹緲峯跬步陟傾墮眼前眞實境聖果游未果安得王孤雲解  
衣槃礴羸

游普覺寺

神蛟騰澗底，陡漲斷虹橋。  
廢礎沈荒磧，殘僧拾墮樵。  
淡金圍杏實，深碧拗松條。  
山轡教行緩，流連野趣饒。

憩雲軒雨坐

東華蓬勃輒紅侵，避地青鴛愛靜深。  
闔戶半添嵐翠色，繞檐都作鳳鸞音。  
松泉慕悟廣長舌，芋火還參見在心。  
畢竟爲霖公望慰，閭閻布地盡黃金。

秀峯寺

筍輿小憩寺門西，靈鷲飛來此結栖。  
山靜地偏人罕到，林繁香重蝶都迷。  
浮屠塔古峯頭建，宦豎名多碣尾題。  
夏雨催人整歸轡，雜花齊插帽檐低。

領要亭恭和

御製原韻

峯巒致佳處林壑總天然飛瀑奔足底松釵拂眉前虛檐四照  
領其要山靜宛似羲皇年

夜宿憩雲軒

匡廬煙趣舊牽情樸被雲軒靜契生灌耳清音摹不出松泉竹  
籟雨風并

自大覺寺冒雨歸途寫望

來礪蓬勃塵歸值雨淋漓嵐翠滴衣襟歡悰到童僕雲氣饋餽  
蒸滃然噴嶺腹回睇翠雲堆昨向層崖宿

白家灘

茆舍綠楊鎖白家鴨觜灘傍崖氣候殊亭午猶輕寒淡雲挾疏  
雨震霖滋層巒小乘宛漁舟撒粟聲汎瀾悅豫暢

皇情詎獨田畯歡指點黃瓦浮龍潭應撒壇

黑龍潭

一宵涼雨換山容漲拍秧鉞浸綠茸爲泥輕塵澄望眼瓣香也  
合謝神龍

茆店雞聲近已牌蔚藍天淨碧新指莫嫌犖确行迂緩稍遲看  
山趣轉佳

青龍橋

湖橋小市夕陽開漁舍人家隱曲隈最愛清漪園畔路華嚴香  
海覓樓臺

由大覺寺歸自題詩草

山花插帽竹驂駢靜妙天機覺旨微松翠泉聲攜不得兩宵延  
賞笑空歸

輓紅蓬勃昧昏沈火熱輪躋宦海心佛國清涼纔一舍阿誰瀟灑共幽尋

畱雲榭落成

吟榭淩虛構紆迴接畫樓松高虛籟發磴曲晚雲留搜句青天近量茶白雪浮會當山雨至載酒約羊求

叔度生兒好先余妙句成衣帽陪末座童丱共趨庭

汪鏡人令嗣名處偕

余子慶福崇福讀書

秀奪蛾眉色清於老鳳聲登瀛祥兆協莫負錫嘉名

游覺生寺訪僧

慈海

不值

獨騎官馬叩瞿曇十載朝京過此三白髮僧閒猶我認翠雲松古撫誰堪上堂盡換新禪侶內典重探祕錦函

是日檢閱觀音經普門品惆悵

西淀散直晚歸

散直廊餐未夕陽遲歸貪趁晚風涼車穿柳陌溟濛碧衣染荷  
花淡沱香退想自然隨境樂澄心不覺在官忙閒鷗對岸休迴  
避我本煙波笠屐狂

竹韻齋前新筍忽生一枝喜題

翠雨蒼煙萬竹敲蒙茸鳳尾擁階墀今年定有洪庥兆豫報平  
安信一枝

射圃詩用壁間程春廬大理同文舊韻

昔年種菜牆邊圃較射分棚向屋隅畫箭穿楊瞻立鵠詩牌釘  
壁愛推烏程春廬大理射圃落成舊作張詩船農部於  
集中檢出刻詩牌挂壁拳拳敦古人之誼焉故人買  
宅籌思遠詞客停鞭景物殊白髮郎潛增觸撥偶緣舊句感今

吾

賃廡頻過佛子廬得偕休沐傍華居五更車韻晨朝近半榻茶

煙午夢餘借扇臨書情宛在射圃詩樞垣寮友均有和作強綺菊言光祿譚次及之論園買夏計猶虛余欲於西淀覓屋爲退食之地未果舊聞他日如相續應作樞垣掌故書

和敘雪堂同人游龍樹院韻

韋曲煙光裏閒僧闌數椽扶闌秋水鳴高柳夕陽蟬選佛清涼界參茶自在天雪堂休澣暇謙賞翹車連叨陪雖未得讀句暢予懷槐古龍拏爪嵐浮黛映杯睇空雲叫破在野月吹來正待飛觴醉休嫌粥鼓催

題船山詩草

奇才健筆兩縱橫感憤憂時涕漫傾險與豺狼爭道路念縈烏鳥薄功名是時蜀中敦頤倡賊船山四馬往來於兵戈擾攘之間聲聲杜宇嘯南園字字珍珠賦北征集中寶雞驛題壁詩最著名落拓襟期燕市醉次公狂態詩

鳴

銀黃罷綰海鷗輕。畫舫春人倚玉笙。雋語偶希楊萬里，仙姝晚遇董雙成。逢花寫照原風漢，投老逃禪亦矯情。雨院注香持細較，奇零一集最崢嶸。

玉露居買薄脆戲成

餅師舍外小車停。薄餅胡麻脆疊層。應手一規團，古月礪牙十字截。春冰夢闌，宴憶紅綾賜。香透酥疑雪，乳凝歸遺細。君間買得團圓嘉會說，疏燈

竹韻齋納涼

翠篠藏軒暑欲刪。雨深綠醒舊苔斑。散衙半日容樽散，靜倚桃花獨味閒。

韓昌黎詠漫膚汗梁彥光嗤戴帽餉我有招涼珠在握，神廬靜

攝體安清

苦吟

誰把鴛鴦巧度鍼邯鄲學步愧駸駸  
教綠鬢如霜白欲譜笙詩共海深  
纂組工能花樣別推敲律細草蛇尋  
悟來天籟勝人籟大雅希音託古琴

竹齋晚晴喜賦和西林相國舊韻

檐牙收霽滴樹頂宿鱗雲天錦拖虹彩  
風梭織水紋琴音聆遠籟畫本繪斜  
曛作暝盤鴉陣招涼入鷺羣水軒歛  
頓減蔬圃意多欣紅溜花猶溼煙濃  
草乍薰西成期有獲南畝事宜勤瓜  
架青牽蔓秧田碧待耘人間光景重  
我亦頌歌云香篆當簾裊茶瀉隔竹  
聞清安舒氣母靜適泰天君高枕羲  
皇侶窗幽滌俗氛晚香玉仍疊晚晴  
原韻

晚芳畱絮果香夢繞梨雲萼金盤露葩垂玉簪文庭心描倩  
影簾額趁涼曠姑射仙爲侶靈芸豔絕羣柔情憐綽約笑靨婉  
歡欣色藉猗桐暝濃逾篤耨薰培滋資益潤調護翠纓勤瑤圃  
鸞齊駕藍田鳥或耘遇遲誰代惜聊樂我其云縞袂當窗見奇  
芬入夜聞清標儕菊友幽詠伴湘君鼻觀微參際葳蕤淨夕氛  
題劉文清公石刻後

佳刻爭高淸愛堂墨莊香靄娘琳琅拈毫端正神潛會運腕沈  
雄鐫斂藏管禿三千摹大令妙含十二溯元常平生未敢離師  
範綺歲親聞緒論詳子於辛酉年親見諸城相國求書石庵先  
年來未嘗稍懈學書胡可一日離  
晉賢師範耶先生論書之言如此

待汪茂才入館不至示子

慶福崇福

荒嬉憂弱稚夫子盍歸乎瘦蹇行初到皋比座式敷縹緗攻舊

業絳帳集生徒喜聽書聲朗應知道味腴敢期通訓詁聊復識  
之無里北延孫臏城南示子符偶因植桃李振觸感桑榆自悔  
童韶慙徒爲阿保扶華膺紛念慮學殖惜荒蕪通籍羞無補研  
經愧自誣曹司秩空竊台鼎望仍迂孺子原堪教而翁未可模  
三餘猶足用一暴豈良圖瓦缶需埏埴媿隅仰沫濡桂攀他日  
兆椿廕過庭趨善誘循循冀甄陶仰碩儒

喜雨仍疊晚晴和西林相國韻

濃陰承日馭潑墨指奔雲向晚飛甘澍空階聚浪文簟涼宜小  
睡窗暝訝初曠習靜延眞賞匡居屏俊羣琴書堪寄傲草木半  
含欣展齒行防滑衣簞潤罷熏鬢童期果熟粉蝶爲花勤池滿  
新添漲園開莫曠耘休徵重疊見佳詠再三云魚戲吾知樂鳩  
呼客飫聞踏青遲命駕舉白便浮君胡必尋章曲方塘爽滌氛

雲司值日飯後射圃偕友人茗話晚歸

鳴珂同侍

紫宸班過話樞垣午未還纒牽笑成千里累紅衣

難畫一

篷閒詩牌張祐前塵憶

詩餘近檢程大理射圃作刻置壁間

食譜何曾舊

雨攀

何雨人出茶筍餉客

雨到荷喧歸獨後貪看西苑夕陽山

簡張詩舲農部

筍供已稀過仲夏梅炎頓減入新秋俸錢打疊都籃辦準擬西

山五日游

經旬不見張春水濯濯丰姿未許攀虛敞瑣窗樓一角闌紅相

對驚鷗閒

畱雲榭坐雨

畫棟凌霄萬綠浮鉤簾景象在山幽峯堆眾縹雲衣合檜挺孤

標翠雨流宇宙清光畱小榭江湖舊夢落扁舟

榭似小舟余顏日春舫如風

湍灌耳喧竽籟佳趣從來與靜謀

向日樓觀雨和汪松泉吏部集中韻

荷風輕卻暑梅雨滯經旬作勢夜當午收聲暑正寅遠涵欽化  
普倏斂仰功神我亦叨餘潤高齋淨少塵

嘯鳩聞爛熟乾鵲語無憑竹葉杯慵把瓜皮棹或乘麝溫香篆  
亘礎潤沴霏蒸縱睇平臺好青遙一髮凝

祭歸寬禮數髣几益餘清疏樹涼歸悄聞苔傍砌榮旗槍高著  
戰競病藉詩鳴婉筆聊排悶非矜白雪賡

積雨書悶

積雨昏連旦寥空訝漏卮古牆如醉客新竹亦吾師龍鬬雷摧  
樹魚騰溜擁池灑沈憂不細趨府詎嫌遲

謝路遂江

恭壽

贈自書小楷團扇

蠅頭妙楷細如無心折蘆芽斂手徒翦水雙瞳鑒絲髮蕉窗卓  
穎費工夫

棘鍼花鳥繡輕柔楮葉玲瓏細刻鏤半粟格仍波磔具羊真精  
妙邁時流

秀嶂街頭雪意融脂痕淺暈畫掀篷

楊無咎梅  
花掀篷圖

欲知鄉思低回

處句醞疏香便面風

筵江有畫梅題香到  
人間冷處多句甚佳

懷琳還示蹟崢嶸誤託元常鑒未精

還示帖乃李懷琳書後人  
誤作鍾繇余因近臨鍾帖

故表出之堪笑平生臂鷹手羞將翰墨競時名

### 秋窗感興

辛年祇召記朝京抹電流光九籥更直道無妨招物議劣書何  
意竊時名吟髭半白愁空託酒面微紅老竟成牘有蒼髯門外  
叟冰霜曾結歲寒盟

同懷弟法良校刊

男崇福謹校重刊

抱冲齋詩集卷二十一

長白 斌良 笠耕

輜車振遠集一

七月二十六日偕湘浦尙書赴綏遠城讞案早出德勝

門感懷

郎官竿濫值承明候整征衫石峽行

石峽峪昌平十二口之一

四牡皇華隨

使節卅年青眼重交情雄關拒馬來朝度古塞飛狐市月程白髮蒼鬢勞系念登高心每懷怍怍

眞武廟僧

碧峯

聞早齋

命駕晷正辰到寺已停午袈裟樹下迎前導入茶隲竹籬豆著花苔階蛩亂語齋房設清供槃敦羅筍脯偶結雨膳緣醍醐蒙惠普握衣拜金容聖像祀眞武默祝熱心香綏遠氈裘撫人聞

使節來瞻立環如堵相公亦猶眾胸韜智慧府慰勞爾村氓持  
贈以書虎

沙河道中

軍都山峭鬱嶙峋天宇晶瑩爽挹人二客

任州判殷勳陳茂才鳳朝

喜邀蘭

若飯七年不踏竹城塵秋澄嵐翠濃堆黛潦盡沙痕白粦銀猶  
是申年乘傳路低回光景肖奔輪

過十三陵

翠杉黃瓦鬱相望千載風雷護享堂天壽山前行輦路草痕青  
入紀功坊

昌平早發

信宿黃花驛蒙茸結束之呼童教秣馬翦燭自膳詩煙岫溟濛  
碧風楊淡沱姿鬢韉遮道列星使曉行時

抵南口延慶州吳別駕

增嘉

借山兜山行飯罷喜贈

吳質海鶴姿玉立神清修昔年宰萬全爲政多芳猷拔薤抑強  
宗探丸翦瘡疣申年過考牧武城駐行旂失馬笑塞翁脫驂仰  
賢侯昨歷恍疑夢輕風掠浮漚揭來隨使節公適領一州行館  
感拜嘉盤敦羅珍饈關溝路奇險犖确摧車輶殷然念行旅惠  
贈青竹兜看山等閒事藉免顛躓憂晚復借經圖邊障資考求

居庸關

嵯峨雉堞接高雲策馬金甌側帽裙九塞險徵邊障一八陁冷  
自晉疆分梯空巘疊青螺髻界嶺泉飛白鷺羣綏服要荒欽  
聖武防秋早撤信陽軍

石佛寺

垂楊絕碧席陰濃礪角碑殘積蘚封三過虎溪成一笑

余自甲申歲查

馬往返皆憩寺中  
此番計三過矣

蓮心塵面愧山容

一梯雲影石巖高  
傍午龕鐙駐節旄  
庖冷惜無蔬筍供  
山僧親薦綠蒲萄

青龍橋

顏額青龍舊危橋  
激浪濺草薰猶似夏柳老  
不知年地僻僧疑  
隱門扃虎獨眠摩崖題瘦句  
歸轡待重鐫

八達嶺

半嶺螺梯折中天  
鳥道懸徑穿榛莽  
窺峯市石城圓積鐵  
森明壘鎔銀激暗泉  
戟門喧畫角上相正行邊

懷來縣

高城環翠麓樓櫓亦雄哉  
密岫維屏固風煙大漠開  
懷隆森壁壘懷來舊史載懷  
隆兵備節制土木蔓蒿萊  
疆索過憑式籌邊屬雋才

夜抵土木

馬蹏踏處倍凌兢  
夜扣柴扉喚乍應  
草草杯盤星飯罷  
黃泥牆角尙篝燈

白洋河山漲陡發

四山漲潑奔沈落  
小禽苓鼓過砰隆  
瞥眼灘痕鴨觜失  
陸地忽化馮夷宮  
棗木扛輿踏波渡  
湍激脰寒立難住  
頭目眩轉盤渦旋  
驚濤灌耳鳴濺濺  
告誡輿夫舁須穩  
尙躡泥途成笑哂  
千金之子戒垂堂  
簡書敦迫處不遑

廿八日戌刻自懷來夜發一晝夜行抵宣化響水鋪計程百五十里

五舍郵程一日過  
吉行師行詎足比  
相公惠我錦雲驄  
附驥長驅日千里

響水鋪

萬山深處茅茨小，纔解征鞍夜四更。  
最好擁衾敲枕聽雨聲，攬著亂泉鳴。

和陳茂才

鳳朝

響水鋪感懷原韻

茅店垂楊底，秋陰澹墨凝。  
漲喧醒倦枕，人語定疏鐙。  
彈鋏何多慨，慵書豈少能。  
青雲須一蹙，鵬翮仁鶩騰。

曉抵上谷晤太守

椿年

崢嶸雉堞接蒼穹，屏翰燕京百雉雄。  
日射西峯浮紫翠，雨晴東澗帶霓虹。  
材官導馬馳驅捷，寮案攬祛笑語融。  
直北關河探已徧，計程明發入雲中。

過夏官屯卽山  
西天鎮縣境矣

宣府和朱竹垞集中舊韻

盤空樓櫓翼

神都脣脰寥天塞，雁孤險控九邊餘。  
戍壘威宣

三衛握兵符貂璫挾主真唐突虎帳譁軍事有無

明正統十四年秋北邊入寇鋒甚銳陷獨石口孫劄谷春戰不利太監王振勸正統親征

官軍五十餘萬人行至龍虎臺駐營眾軍夜半訛相驚亂皆以爲不祥回至土木遂北狩見延慶州志

遙指狼山鏖戰處黃沙白草穴雄狐

### 沙嶺寫望

黏雲短薺擁沙河日暮浮嵐隔岸多瘦轍千盤東下路輶軒步

步記初過

由宣化至張家口甲申查馬會經一至沙嶺以西驛路未經歷矣

### 胡家屯

秋霖斜照裏晴雨不相妨入峽車方軌行天馬陟岡磽田刈禾  
晚驛吏送人忙節候同腰鼓朝涼復夕涼

### 夏官屯

萬峯團繭子縣密裏煙村北使聞南雁秋官歷夏屯漲餘沙疊  
浪嵐遠翠消痕奇句搜還得通眉試細論

夏官屯遠眺

殘墩碁布

鎮崇岡礪礪摧輪驛路荒百道于延東逕水尋源直

到老邊牆

洋河水發源出邊外自山西天鎮界入邊牆逕繞柴溝平遠堡各處南至保安州東合桑乾河即古于延

水也又名修水

紅塘山畔塞雲孤沙磧黏天草色枯褶袴健兒盤牧馬雄邊繪

出射生圖

懷安縣曉發

信宿懷安縣晨征冒曉涼雲多踰嶺白草未入秋黃鐵勒盤生馬氈裘販牧羊如何古雄鎮風景象殊方

鞅掌勞王事神疲敝車麪人酬令節

懷安縣土俗以麪範爲人形彩繪作爲饋貽前

明曹心簡有比屋妝箇

窩虎記禪家

壽峯寺多虎禪師持修淨果窩虎移去

地險

瓦中元餉婦人之句

籌邊備川靈毓國華

明工部郎中岳倫號雲石抗顏直諫目爲國士

鄉賢岳雲石兩疏

盡猷嘉

指雲石有諫顯陵止蹕並論  
劾張桂專恣兩疏頗爲時稱

枳兒嶺

枳嶺鬱岵岵雲根漱雁沙燕雲此疆剗車騎繞天斜石銳銷輪  
鐵霜寒拂劍花臨淵心益懷游子倍思家

天鎮縣

臥鷹山聳靄餘曛驅馬天成訪舊聞綬遠卽今咨右相巡邊勝  
國駐偏軍寇防突厥崇墉築壤接燕雲一嶺分  
枳兒嶺東屬直隸迤西則山西

境矣拓跋遺宮何處是桑乾古水咽沅沅

曉發天鎮

銅鉦挂處韉塵鞍沙磧黏雲極睇寬指點遺墟懷拓跋眼明古  
水辨桑乾翠華遠紀神廟幸玉壘高凌白雁寒橫野舊傳軍實  
勝關山今作霸圖看

興和道中

邊牆帶綠枕雲隈，禦侮宣同屬將才。  
廢壘猶存孫武法，蕭家曾築假糧堆。

假糧堆在城南相傳蕭后用兵以席苦堆假充軍實故名

一繩南雁落遙汀，衰草黃微入望冥。  
正是鄉心無那處，金風吹

上託台亭。

水經注載託台水今應在馬家溝

霜威降早，蓂禾田祀典，增修牧令賢。  
貌出雁門風物冷，猗猗吹

屋似牽船。

吹屋似牽船前明府張坊舊句

陽高道中和天鎮縣張明府坊游龍泉寺舊韻

彤檐按部次寥天，參合坡遙踏古泉。  
塞接風煙孤角外，關連雲朔萬峯前。  
高擎虎節馳驅暇，遠憶鴉軍戰鬪年。  
藩服六盟齊內附，幾曾虜騎敢窺邊。

沙磧蒼茫塞草春，地濱溱洧淨飛塵。  
時平冶劍當農具，邊靖備

書困武人高柳乍經舒望眼高陽高古柳郡勞薪空託轉蓬身雁門馬邑雙流匯重讀桑經喜逮津

邊牆

一綫沿山壘泥寒草不青三關資保障尺堵隔邊庭飲馬長川凍飛狐古月停蒙恬枉興築仁義足藩屏

宿聚樂驛和張開東韻

聚樂沿邊堡雲中一舍遙荒茅團古驛斷柳架危橋避淖迴金勒嘗泉借纓瓢溪聲喧旅夢丹室景偏饒

晚抵大同

水楊如幄拂茅檐向晚羈人旅思添鴉背夕陽紅影瘦馬蹏秋草綠痕纖雲中魏尚軍威壯郎署馮唐旅迹淹天際秋陰挾疏雨輕寒催客下車簾

秀女村明武宗微行納劉倩倩處

生小嬋娟秀出羣  
浪傳彩鳳昵紅雲  
翠蛾寵召誰家息  
金屋嬌藏勝國君  
徵豔不煩花鳥使  
承恩親賜石榴裙  
風流朱壽存殷鑒  
漫考圖經證洽聞

雲中飲劉總鎮

國慶席上卽贈

河東雙鳳夙多聞  
勇奪龍頭迴軼羣  
虎節乍馳天上使  
龍驤獨領朔邊軍  
壺觴嘯傲聯今雨  
裘帶雍容鎮左雲  
何幸清時疆圉靖  
雄談按劍得逢君

雲中邊地甚寒莫春桃花未放黎明府

中輔

催之以詩

感事懷人風流蘊藉喜步一律

時乎不再此何時  
寄語東風第一枝  
魚尾斷霞烘霽晚  
蛾眉幽恨悵春遲  
仙源路隔漁舟艤  
瑤圃香濃蝶夢知  
寫入圖經添韻

事哦松還咏小桃詩

雲岡寺瞻禮石佛和曹秋岳侍郎

落舊韻

煙術延心賞琳宮亂眼花嵌空羅石佛鞅掌駐輶車剡碧泉垂  
乳流丹閣染砂堂深聆夕磬戍遠殷悲笳緬昔興光始於茲擁  
戟牙金容防毀灼蓮座關崕呀清淨身無垢迦陵鳥絕譁天紳  
彰黼黻仙樂鼓箏琶媚媼眉妍黛瞿曇面削瓜塔蟠松砥柱皴  
綢畫披麻具足擎龍鉢慈悲憫免置青紅圖魍魎蜿蜒鑿蛟蛇  
攀陟興呀喘游觀屢歎嗟般倅輸匠作泉布費繁奢複道盤雲  
甍飛薨帶嶺斜莊嚴化城境希有梵王家雲朔探奇構暄寒感  
物華舊題紛綺藻幽思託蒼葭

壁間懸陸湘林王幼海詩牌甚佳

緩策連錢騎

昏歸接翅鴉驚峯瞻禮久違恤驛程賒

高山驛曉發

半嶺披雲葉遙灘積露文凌晨寒倍峭邊朔晝常陰縹緲看涼  
雁羈棲感越禽大夫勞遠役別後俟秋深

左雲縣

頓覺詩情減陶林卽塞中大儀圖笠蓋荒旱覆孟同沙冷茫茫  
日原呼浩浩風緬懷蘇屬國齧雪信英雄

右玉縣

雲朔雄藩衛崢嶸鎮北方渾源穿塞白秋草極天黃歲月雙蓬  
鬢風沙百戰場清時邊警少黎庶老耕桑

贈右玉縣徐少尉

在中

喜接雲中尉青袍草色伴微名戀雞口妙楷善蠅頭松韻醒茶  
夢琴聲豔雪樓新詩在行篋傳唱到并州

牛心堡

古蘚沈殘壘荒榛翳斷溝沙盤魚復陣雲壓雁聲秋育煦美生  
被蒙茸季子裘觚棱眷東顧迢遞接雲州

出虎關

兩行髡柳倚高城鹿塞長驅第一程天闊雲陰時變色灘平河  
套溜無聲封駝載酒清霜壓候雁驚寒遠陣橫稍喜臨邊烽燧  
靖防秋早撤朔方兵

朔平府喜晤香禪四弟

哲成額

相見何期在朔方七年宦轍各翱翔馳書惟念征裘薄握手驚  
看旅鬢蒼漫倚家聲誇許史夙欽懋績邁龔黃草窗翦燭聯情  
話抵得彭城雨對牀

雨中過佛溝驛

古塞多晴杲偏逢雨暗溝亂流齊飲馬深隄獨歸牛紺碧蒼崖

色丹黃錦樹秋如何纔八月已脫木棉裘

新店偕香禪四弟夜話

尖屋打頭矮攤衾夢未成疏鐙沈夜氣涼吹走邊聲遠阜雲俱黑  
天河影獨明觸屏童子困貪話到更深

夜宿和林格爾

山連大漠斜向夕駐征車青草人千里黃茅屋幾家馬通高炕  
火牛乳淺甌茶咫尺邊牆隔蒼涼景物差

烏孫圖魯寫望

浩渺龍堆路干盤瘦轍痕連岡猶列堠過嶺竟無村朝霧吹絲  
雨洋河發塞源不須聞鸞築已覺黯征魂

過青塚

遠嫁單于冒塞塵琵琶聲帶漢宮春停鞭悵望埋香塚巾幘飄

零亦盡臣

賂出宮庭事可憐蛾眉進退畫師權  
昭容紫袖依光近爭不親  
避御榻前

香禪弟前見於左雲連日偕行甚歡  
昨奉檄先至綏遠  
城夜宿黑河涼雨打窗河聲繞枕  
不能成寐援筆書  
此

三日連牀話調飢正慰思忽教乘傳去  
想像渡河時沐雨勞偏  
任衝泥到莫遲安邊關不細珍重出言詞

中秋日黑河雨中曉發晚抵綏遠城感賦

驛亭燈照雨瀟瀟催整邊絲指麗譙  
人踏奔湍心有戒雲遮圓  
月思無聊霜沈畫角鳴秋晚寒隔觚稜  
入夢遙瓜果綺筵羅拜  
夜露華應溼翠連翹

歸化城行館偕香禪弟夜話感懷

東西解隔雁行從雋望咸欽陸士龍舊事怱怱疑夢掠家書草  
草背人封燕臺路遠衣難寄鹿塞霜寒酒不濃棣萼皇華相繼  
綰驅歌怕說到初冬

樓煩匏繫又秋闌無鱗監州笑冷官居雞羌渾綬不易政兼寬  
猛濟賊難尖風似剪攢貂帽朔雪飛花拍馬鞍好靖氈裘解纜  
觸日歸猶及薦椒盤

眞賞誰收爨下琴蹉跎郎署鬢霜侵解嘲聊復掀髯笑排悶何  
妨擁鼻吟絕塞風塵偕骨肉中年哀樂感身心高粱釀熟偏提  
注圍坐甌鑪話夜深

雙城樓堞峙嵯峨小住輶軒五日過牛脯慰勞都護酒芹香爭  
獻野人歌雪泥蹤迹畱鴻雁沙草川原走駱駝按部安邊昭懋

績仁馳  
丹展錫恩波

同懷弟法良校刊

男崇福謹校重刊

抱冲齋詩集卷二十一

長白 斌良 笠耕

輜車振遠集二

八月十六日綏遠城感懷

愬武依蓮幕風霜感雁羣飛書傳國語上馬謁將軍山峭研

螺黛沙虛積露文

城近大青山

解鞍非憩息拜表上彤雲

聞說大青山後寒甚因作

凜冽寒威墮指傷大青山畔收兒場黃羊紫駱渾難辨背上濃堆一寸霜

呼拉噶齊卽目

不信遼邊景寂寥魚鱗萬瓦枕峯椒木楞川漲渾難渡臥柳連枝疊作橋

呼拉噶齊感懷

白草黃榆出塞游騷人動說雁門秋西來邊徼踰千里

薩拉齊距代州

幾及千里

畢竟偏頭屬朔州

偏頭關在朔州西南

短後征衫毳屬裁秋晴風捲塞雲開草枯那得容狐兔捺鉢名王射獵來

晚抵韜斯霍行館題壁

草地生寒早茅茨冷欲冰壯懷看匣劍夢戀鐃鎧塞遠書難寄霜澄酒不勝豬肝日供給試問客何能

韜斯霍曉發和香禪元韻

火炕高眠熟披裘夢味真同心呼石友

謂壁堂員外

健步賞輿人流

水潏疑樂風楊翠結鄰華夷行已徧何止略知津

鞍背兀殘夢昏驚路未真斷槎行礙馬髭柳立疑人蟾魄茅檐

亞霜鐘野寺鄰夜窗偕叔氏談藝更津津

察蘇齊道中

向夕征裘薄毘藍勢沸騰田荒迷井割山近露圭稜霧鬣雄盤  
馬鞞絛怒掣鷹中原思射獵奈曼得何曾

口外有水草地日奈曼

買岱昭遠眺

爽氣澄西嶺撲眉晴翠涼蹠涔霜外淺人影日中長河潤林偏  
茂秋登稷定穰甌窰滿簞載筍釀一村香

廿二日韜斯霍曉發是日湘浦尙書偕寶旭將軍昇

與

自綏遠城起行寄懷

寥天星斗橫霜氣四牡皇華度塞遙想見相公初整轡風旗獵  
獵馬蕭蕭

一官恭儉孫宏被卅載蒼涼晏子裘父老壺漿遮道迂徧書臥

虎賜遐陬

黃河崖望鄂羅朵斯愛曼

黃河西下接榆關沙磧微茫繞塞山氈帳月明涼似水蕃兒行獵未知還

買岱昭早飯

辭堞何年壘今開選佛場塞垣崇象教梵閣禮獅王削骨裁簫細酥鐙照面涼割鮮餐淨肉宗鏡闡西方

薩拉齊高原晚眺

塞山似帶盤秋冷嵐光閉蒼波一線明黃河亙天際

薩拉齊春浦別駕壽

齡祝河鯉感賦

夙聞雪窖無魚膾忽漫銀鱗肆几筵象協朵頤占允若歌興彈鋏笑徒然書傳河朔看烹鯉

恩沛天廚想賜鮮豈爲葷鱸動歸興鳴薑忍俊思纏緜

廿五日箔頭鎮公廨卽事

聽訟晝兼夜無情敢盡辭燭微峒厥角理亂晰夢絲篤敬傾心切虛明照膽知撫夷期久治歸轡漫嫌遲

夜宿箔頭鎮偕香禪弟感懷

露輶宣勤久秋風老鬢絲客心孤月共鄉夢夜鐙知三徑菊荒候一官匏繫時聯牀偕弱弟漫起鵲鵲思

塞垣雜興

書劍閒關逐鴈臣喜偕棣萼性情真一雙臥具同甑炕相較聯牀話倍親

傾筐遠惠三沽

春浦別駕爲贈

裁餅花黏九日貓西出鴈門關

塞迴登高休陟嶺岩巖

邊笳聲裏易斜陽填委文書束笥方漫說郢都能折獄何如忠  
信服要荒

椽茆畢竟勝氈廬簾窗油暖意噓日日羶根作供給夢神應  
訴踏園蔬

天寒八月已披裘顛鷁風狂夕未收振觸話山亭子畔茱萸香  
壓半籬秋

觚棱纔隔一千里于役爲期倏二旬等是風塵歎鞅掌柔腸何  
事轉車輪

塞繞飛狐古驛長冰天雪窖積蒼涼出關邊徼逾千里翻說并  
州是故鄉

昨夜新霜蘸柳條鎔銀沙軟錦驄驕漫言甌脫寒逾冽好趁雄  
風遠射鵬

相公清節邊人識臥虎書成勝餅金自笑書生饒結習梅花瘦  
句硯冰侵

豹皮縫綴作詩囊雅奏堦簾翦燭商卻怪將軍不好武

謂實旭將軍

草窗閒過論班香

冰花滑澌寒棱峭裡炭紅溫酥酪融數獲旌門行獵罷穹廬風  
勁入雕弓

寒檠搖夢塞雲孤入夜笳聲聽轉無陡覺重衾涼潑水始知身  
久客飛狐

連日苦吟鬚有白者作此自嘲

吟懷健處鬚多白既愛髯奴復愛詩閒執兩端相比較減詩畢  
竟養吟髭

詩仙忽與髯奴鬪我自千秋汝一時皁白率多濡染力千秋志

定繫謳思

九月五日拜摺恭紀

按部持平喜奏功一封遙遞塞雲東傳郵騎騾星猶爛聽鼓人  
來燭尙紅鹿塞番夷加惠卹孤裘賦詠免蒙茸烏拉特部落屬三公管理先是  
札薩克中公車榜旺楚克多爾濟重斂苛虐其下經協理台吉  
圖斯拉克齊車榜敦多克密都布約七十餘人聯名訴告正盟  
長西公巴圖鄂齊爾副盟長東公拉特那巴拉積不能容旋奏  
削中公札薩克印正盟長交理藩院議其印改派副盟長拉特  
那巴拉  
代治之籌邊充國羣情服身繫安危碩望隆

箔頭鎮行館登臺望塞上

茆檐伏處醺甕底眼孔狹隘措大如勃焉游興泉壑湧朋儕攬  
袂相招呼寥沆秋晴風日煦迤邐平沙淨鋪水蜿蜒蛾綠千里  
環直自山頭溯山尾解館斜依峯北角露臺兀突凌空矗傍無  
欄楯短牆圍平削還堪曬莠麥乘興輶腳洽素心寧裳側帽偕

登臨蹢躅攀陟逞腰腳螺磴絕少苔花侵大幕圓張信空闊盪  
胸朔漠襟懷拓魚鱗萬瓦海樣來半倚巖椒起樓閣草枯煙淨  
睇平遠賀蘭一髮青於染驂駟散野百千羣沙磧微茫攢墨點  
客言此地原沙漠寶牖三家人寂寞龍飛嘉慶歲在壬邊塞商  
農偶棲託貸粟河西馬市通金權子母財貨豐手胼足胝開荒  
畝菽麥倉收倍捷功廿年生聚團村落煙火千家儼城郭布茶  
攜得換泉刀皮幣珍藏實囊橐庫倫地接恰克圖販夫駝背霜  
模糊後山貿易通諸部箔鎮齊趨各趁墟路人額慶予噴蹙鐵  
銷漫鑄今時錯長城天險界華夷隨俗相依有規畫甌脫地冷  
乏田疇黍養四畜當鋤耰牛酥濃炙充飢渴狐貂溫裁裏褶裘  
晉民重利資侵奪隴畝漸寬游牧促封駝駟駟字育稀生計託  
裘裘澆薄蒙民構訟不時聞攘羊竊馬胡糾紛都酷烈鷹鷂

若龔遂慈祥父母云力挽狂瀾責有司牧場封閉絕開私流民  
驅逐收銚鎔禁令重申尙未遲竭來秉節馳星使按部傳郵遠  
過此雀鼠風清蠻觸安裘帶雍容實堪喜徘徊驀覺寒日低烏  
鴉畢連高樹栖霜濃木脫重陽近劉子無糕句強題誰說飛狐  
景荒闕高原縱目秋煙夕大儀圓笠接坤維青是蒼穹白沙磧  
瘦柳霜淒葉乍凋一繩南雁首頻搔縱無菊蟹酬佳節淺酌蒲  
萄亦足豪噫噉乎百年歲月如梭擲我今不樂其曷極昂頭天  
外發高歌快吐滂葩暢胸臆

和賓旭將軍解館登平臺元韻

平臺舊染廨西陲隨分重陽酒半卮出塞頓教胸拓鏡籌邊羸  
得鬢成絲康駢譚藝鐙前錄謝朓登臨雨後詩酥餅一規糕樣  
啖吟秋遮莫負霜髭

散步登廨西露臺

邊朔此臺敞披裘得大觀  
魚鱗萬瓦簇龍尾一峯盤  
帶曲黃河閃天垂紫塞寬  
青雲須自懷高處立身難

重陽夜雨偕香禪話舊

對榻攤衾話未闌  
缸花穗結透輕寒  
疏窗攪夢天涯雨  
漫作重陽舊例看

旅夜有憶

青綾寒襲燭窗虛  
鄉思瞢騰中酒如  
記得蘭移鴛夢穩  
薰籠香汨夜涼初

九月十日得家書兒子

延福

於八月初十日生  
子同人

共賀子抱孫書此誌喜

搗尼檐角噪郵寄  
達魚箋拭目家言  
啓開顏吉語聯欣  
聞誕彌

慶歡洽爵班遷有獲三秋節無疆

萬壽天金戈攬手嫩繡葆入懷圓共說生孫日纔逾不惑年含

飴人並羨舞綵我猶顛人皆賀于抱孫太夫人年近入璋任

兒曹弄弧眞子舍懸萱闥增色笑榆塞寄殷拳喜恰添丁送書

偏旁午傳菊餽剛覽勝初十日小孫彌月湯餅適開筵藻綺朋交頌榛

羞娣告虔錦綳長命縷珠貫浴嬰錢面饋桃花豔膚凝瓠實鮮

數盈名錫萬孫兒係萬壽日生乳名萬哥瑞兆祿膺千祖嬭尊稱始雲初譜

系縣家聲期必大弓冶學彌堅將相攜樽賀是日湘浦相國賔旭將軍親來館舍

稱朋儕贈物爰免教嗤甯馨詎敢望騰鸞竹茂看芽茁梅芬迺

轡旋蕃釐春似海介壽酒如川奕葉培仁寓心苗沃福田待子

登耄耄五世荷陶甄

十五夜自箔頭鎮回京

蒙茸午夜整絲鞭萬井酣眠寂不喧恰好行邊剛奏績中天涼月十分圓

曉至買岱昭登佛閣並觀蕭后畫像

一規蟾魄半銜山爲速郵程款佛關霧縠乍盤紅樹外梵輪高倚翠微間蕭梁小像鬢雲膩俺荅遺宮蔓草環

寺中佛閣環以石城樓堞宛然

或云俺荅駐兵處番人改建梵刹惜不可考矣

寂寞白狼堆畔路華嚴樓閣見千般

薩拉齊道中

鈴馱聲中振轡還草痕沙磧夕陽間江郎豔退生花筆詩思平於塞上山

雪後晚過韜斯霍卽目

雪花吹陰山伸掌寒如此霜清野草白日暮塞山紫番兒控馭馴馳驟如流水馬蹏踏層冰山雉忽驚起

重至黑河

來時秋雨灑淋漓，漫忽平皋半染霜。  
溜挾斷冰流有力，草排略徇惠無方。  
隼旟虎旅前遮道，酥酒酋夷共拜颺。  
回睇蒼黔峯萬笏，庚年曾此駐絲韁。

晚抵和林格爾

貪程到何晚，雲際閃明星。  
河聲喧浩浩，琴筑間車鈴。  
松炬照幽深，嶽崎愼跬步。  
巖際一鐙紅，知有人家住。

夜度虎關

杓斗近堪攀，衝寒夜度關。  
塞峯圍匝市，邊月影彎環。  
恰值鳴雞入，爭迎駭馬還。  
白坡奇景得，鐙照雪孱顏。

玉林道中懷黎明府

中韓

西天蛇勢峯巉巖，凍雪孽絮縈征衫。  
雞心灘突走渠溜，鹿角砦

古攢楓杉玉林關纔信宿隔簾篴詩應百首緘哦松西江老吟  
社蕪詞好爲余發凡

曉抵朔平府

如雪霜濃壓遠蕪肌膚皸瘃困輿夫女牆櫛比寒雲擁鹿塞東  
來第一都

蒲萄酒醖面微酡向夕衝寒振轡過遲日烘晴過溜暖冰漸流  
過兔毛河

贈朔平府姚太守

用書

雄城涿鹿郡無雙桑梓欣聞共一邦政邁龔黃權朔郡詩宗元  
白壓西江雁門寄迹霜棲鬢鹿塞懷人雨滴窗多謝相交到伯  
仲相思他日託蘭茝

由左雲至高山驛

池邇雲西堡茶串勞餽朔郡帶遼邊風景實疏暢名山翠淺  
深浮嵐滿晴望丘垤層崖蹲古壘迴谿抗百戰樓煩區雄圖歸  
想像出使愧張騫坐鎮資魏尚地雖界荒夷境每緬清曠帶繚  
天瑞泊銀谿波滉漾紫棘灘面敷白榆村口向山焚屋數椽結  
構枕巖嶂比戶儼蜂房細縷炊煙颺丹赭接雲岡十寺開龍藏  
石竈龕萬佛粵肇拓跋創神瑞歷正光七帝規模壯孟秋值停  
驂豆房記過訪催詩陣雨零潑墨溪雲漲雨絲注面涼油繖不  
遑障東歸適晴杲魚雲吹細浪蹀躞馬掀蹶鉤輈鳥轉吭賃廡  
有道居旅舍主人郭姓行勝偶相傍季氏來朝別離情筆笑狀聯榻翦  
寒榮相對增邑快紅友傾東醪烏銀炙火炕話久夜將闌黃茅  
山月上連朝事鞅掌清興礙而妨冰硯枉教攜寫臆乏閒况髯  
蘇獲我心不錄詩恐忘呼童研隃麋斜行字蕭放倘值哦松人

欣賞定跌宕雞塞少贈持長篇當厚貺

高山驛別香禪弟

冰雪樓煩郡分襟益悵惆至情無奈別邊事頗堪憂疏柳峯前  
壘荒雲驛外樓睇空語征雁書早寄京郵

游雲岡石洞

嵌空乳竇漱輕澀雲厂深藏法相幽六月招涼敷座具應教熱  
拂午全收

還抵大同

重厯雲中郡欣瞻馬首東霜濃慣棲柳雲淡靜依松宦味高陽  
酒離情上寺鐘泥牆題瘦句爪雪印泥鴻

旅廨曉起欣聞夜間微雪

阜帳低垂曉起裡紅炭炙香臍頓訝窗生虛白雪晴步怯霜蹠

重過聚樂堡

旅樹依郵舍清渠繞古臺鴉隨殘照去鷺立斷冰來襍被前曾宿樽罍此約陪趨程貪一舍孤角漫相催

千里行邊使趨迎甲仗排煙墩敲草埠驛里記松牌略約橫波

獨連峯浣粉皆源清持戰處荒堞鎖昏霾

嘉靖間總督劉源清戰吉囊青台吉於此

陽高縣永福寺小憩

侵晨古寺開豆房握衣頂禮參空王河山兩戒祝鞏固晝夜六

時恆吉祥鐘魚纔歇雨膳到寶馬齊縹霜松長十方調御試乞

請金容幻自雲中岡

左雲雲岡古佛最多

枳兒嶺望懷安縣城

竹輿咿啞度高嶺線路盤旋繞鴉頸深澗倘若無當厄絮雲飄

颼金風冷征人不敢俯首看兩足股栗氣全屏僂倭漸入大峽

深眼花撩亂疑入井尉藍影劃一線青甃裏醯雞睇光同豁然  
開朗雲盪胸厓巖掌拓鏡面平山田罌布犬牙錯村農扶耒催  
牛耕迤邐邊牆繚如帶殘墩古壘羅新晴漢時舊營尋廣牧炫  
赫軍實誇天成邇來喜見疆圉靖絕塞早撤防秋兵幾重雲氣  
冪澗水濯耳琤琮琴筑聲來時拏敔仲秋屆風搖水柳絲帶紫  
瞥眼霜凝木葉脫雙輪碾處冰花鏗陡壁苔皴石紋瘦山坳茅  
屋何人構熙熙相住聚陰森父子全家同老壽不識弓箭與旗  
槍鼓腹歡騰度清晝人間何處覓桃源倘值漁郎風景又何年  
高堡插層雲石牌標寫字畫勻漫言塊土無區劃晉邑燕疆嶺  
畔分猶工遠勢堪憑眺暖翠浮嵐靄夕曛一抹山樊接煙霧短  
薺黏天認雲樹魚鱗萬瓦似水鋪睥睨崢嶸互通路鴉山橫接  
火石嶺干延水繞桑乾渡鉤輞不聞山鳥鳴神往賢侯舊題句

迷空炊火雜山雲指點今宵解鞍處

廿七日瞻禮天鎮縣慈雲寺

軒渠梵宇集千人香國華嚴轉法輪畫壁諸天如活見低眉老

佛示全真珠檐妙語三千驛寶絡紛披丈六身龍藏經函文字

海賢王啟請慇由句

乾隆十九年和碩莊親王奏請頒給僧人寬成全藏經文

由武玉寨至胡家屯山行卽目

停午未朝餐已歷武玉寨板屋似蜂房居民荷鋤待竭來大峽

劫頑礫噴瑣碎篆徑陟深沓細路步幽邃所歷已漸高冷雲環

似帶驚波如沸湯鶴子口遙匯撞擊勢逾猛雪浪激澎湃回睇

泥灘痕縱橫衲衣緩車騎踏波來豆點宛然在卅里無梁橋方

言實誇大風景行固佳未免心多戒

武玉寨懷安人有三十里無梁橋之目

晚抵胡家屯

黃榆參錯圍孤村茅茨低築依煙樊西來山勢半平遠遙空一抹青眉痕東歸連日喜晴杲滌盡泥乾到店早漫輕村釀薄茅柴能禦寒威亦大好

兩峯中闢如疆環設險其間須武備荒城斗大蒼蘚敷舊識重闐呼左衛吉囊肆擾還花當勝朝宣鎮資邊防何如清時疆圉靖驍騎坐食官倉糧

同懷弟法良校刊

男崇福謹校重刊